



Norges Vassdrag- og energidirektorat
Postboks 5091 Majorstua
0301 OSLO

Deres ref:	Deres dato:	Vår ref.	Vår saksbehandler	Dato
		25/23835 - 6	Sbr_Navn - 712 80 239	27.01.2026

Opprusting og utviding av Aura kraftverk - høyring

Fylkesutvalet har i møte 26.01.2026 fatta følgende vedtak i sak 03/26:

Vedtak:

Vedlagte høyringsbrev vert sendt til NVE som fylkeskommunens synspunkt i saka.

Det er viktig at Aursjøvegen framleis kan vere open for gjennomkøyring for ålmenta, også i framtida.

Med hilsen

Synnøve Valle
rådgivar

Dokumentet er elektronisk godkjent og har derfor ingen signatur

Kopi til
Molde kommune
Sunndal kommune



Saksframlegg

Dato	Referanse	Saksbehandlar
15.01.2026	25/23835- Ugyldig flettefelt	Synnøve Valle

Saksnr.	Utval	Møtedato
03/26	Fylkesutvalet	26.01.2026

Opprusting og utvidelse av Aura kraftverk - høyring

Open Aursjøveg

Det er viktig at Aursjøvegen framleis kan vere open for ålmenta, også i framtida

Forslaget blei seinare trekt (endra).

Open Aursjøveg

Det er viktig at Aursjøvegen framleis kan vere open for gjennomkøyring for ålmenta, også i framtida

Fylkesutvalet 26.01.2026 - sak 03/26

Behandling

Open Aursjøveg

Det er viktig at Aursjøvegen framleis kan vere open for ålmenta, også i framtida

Forslaget blei seinare trekt (endra).

Open Aursjøveg

Det er viktig at Aursjøvegen framleis kan vere open for gjennomkøyring for ålmenta, også i framtida

Votering nr 1 - Votering over forslag

Forslag: **Opprinnelig forslag**

For: 13 stemmer (100%) - AP 2, FRP 3, H 2, KRF 1, MDG 1, SP 2, SV 1, V 1

Mot: 0 stemmer (0%)

Votering nr 2 - Votering over forslag

Forslag: **TF - Open Aursjøveg**

Hans Olav Myklebust (FRP), Andre parti: FRP

For: 7 stemmer (54%) - FRP 3, H 1, KRF 1, SP 1, V 1

Mot: 6 stemmer (46%) - AP 2, H 1, MDG 1, SP 1, SV 1

Stemmer:

Geir Ove Leite (AP)

Marit Aklestad (SV)

Per Ivar Lied (SP)

Jonas Maas Nilsen (MDG)

Line Hatmosø Hoem (AP)

Anders Riise (H)

Vedtak:

Vedlagte høringsbrev vert sendt til NVE som fylkeskommunens synspunkt i saka.

Det er viktig at Aursjøvegen framleis kan vere open for gjennomkøyring for ålmenta, også i framtida

Fylkeskommunedirektøren si innstilling:

Vedlagte høringsbrev vert sendt til NVE som fylkeskommunens synspunkt i saka.

Samandrag

NVE har sendt konsesjonssaka for oppgradering av Aura kraftverk på høyring. Fylkeskommunen uttaler seg her til ansvarsområda sine - kulturminne, samferdsel, vassforvaltning, friluftsliv, villrein og energi/grøn omstilling. I uttalen viser fylkeskommunen til at oppgraderinga vil ha negative konsekvensar for vassforvaltning, villrein og kulturminne, medan den vil gje positiv samfunnsøkonomisk effekt og lokale ringverknader.

Bakgrunn

Fylkeskommunen er inviterte til å uttale oss i samband med oppgraderinga av Aura kraftverk i Sunndal. Produksjonen i dagens Aura kraftverk og Osbu kraftverk skal leggst ned, og det vert samtidig søkt om å rive Osbu kraftverk. Statkraft søker også om løyve etter energilova om å bygge, eige og drive Aura II kraftverk og Holbu pumpe, med tilhøyrande nettilknyting og elektriske anlegg. Dei søker samtidig om å legge ned elektrisk anlegg som inngår i anleggskonsesjon for dagens Aura kraftverk og Osbu kraftverk.

Høyringsdokumenta ligg på NVE sine nettsider.

NVE ønsker konkrete synspunkt på om planane bør gjennomførast, evt. val av alternativ eller forslag til avgrensingar i planane. Dei ønsker også grunngitte forslag til avbøtande tiltak som kan redusere eventuelle ulemper ved gjennomføringa av prosjektet. I tillegg ber dei om eventuelle kommentarar til om søknaden gir tilstrekkelege opplysningar om verknader av tiltaket.

Vurdering

Uttalen inneheld synspunkt og vurderingar knytt til fylkeskommunen sine ansvarsområde. Her er ein kortversjon av innspela i den vedlagt uttalen:

Vassforvaltning

Aura/Eira har historisk vore eitt av Noregs mest kjende laksevassdrag med ei unik laksestamme. Denne stammen er no sterkt truga, med svært dårleg tilstand etter kvalitetsnorm for villaks.

Innspel:

- Innspel i vår uttale av 24.5.2024 er i liten grad tatt inn.
- Tiltakets påverknad på vassmiljø er større enn det som kjem fram frå utgreiingane.
- Planlagde tiltak langs bekkeinntaka i "takrenne-systemet", som vil medføre ytterlegare reduksjon i vassføringa til Auravassdraget er ikkje ein del av utgreiinga og må inn.
- Miljømål om GØP i vassførekomstane i Aura vil ikkje oppfyllast som følgje av tiltaket, dette må inn i utgreiinga.
- Minstevassføring som tiltak vil ha effekt og må vere eit avbøtande tiltak som følgje av utbygginga. Dette må inngå som ein del av utgreiingane. Her bør mindre kraftverk i Eikesdalen også inngå i vurderingsgrunnlaget.
- Vurdering av alternativ plassering av kraftverk i Eikesdalen må vere ein del av utgreiinga.

Samferdsel

Innspel:

- Løyve etter veglova er nødvendig både for kryssing av offentleg veg og for auka bruk av eksisterande avkjørslar.
- Dersom tiltaket berører byggegrensa, må det i tillegg søkast om dispensasjon frå byggegrensa langs fylkesveg.
- Rammeplan for avkjørslar og differensierte byggegrenser langs fylkesveg vil vere rettleiande.
- Avstand mellom tunnelsåle og hol som skal sprengast må avklarast i ein gjennomføringsavtale med Møre og Romsdal fylkeskommune.
- Eventuelle inngrep i fylkesvegnettet må avklarast med Møre og Romsdal fylkeskommune.

Kulturminne

Planlagde tiltak som berører Aurabanen og kulturminne i tilknytning til den vil vesentleg redusere opplevinga av landskapet, og visuelt skjemme og fjerne viktige kulturminneverdiar frå den tidlege kraftutbygginga.

Statkraft må i større grad enn skissert i høyringsdokumenta sørge for å ta vare på denne kulturarven, både gjennom justering av plassering og omfang av nye tipper, anleggsverksemda og avbøtande tiltak som dokumentasjon og sikring av kulturminne før anleggsoppstart.

Etter ei samla vurdering av fagrapporten er inngrepa i kulturmiljøet så inngripande, at det må vere vidare kontakt mellom fylkeskommunen og Statkraft, NVE og tiltakshavar om justering av tiltak. Dette gjeld også i høve til sjeldne arter og natur som inngår i det nasjonale kulturlandskapet, kor det kan vere ei potensiell interessekonflikt om korleis ein skal sikre landskapet og kulturminna på ein god måte.

Friluftsliv

Området som blir berørt er kartlagt og verdsett som svært viktig friluftslivsområde i kommunale kartleggingar. Tiltaket vil kunne ha stor betydning for naturopplevingar, rekreasjon og fysisk aktivitet. Konsekvensane for friluftsliv er ikkje tilstrekkeleg belyst i dei dokumenta som ligg til grunn for høyringa. Utbygginga vil kunne påverke både tilgjenge, opplevingskvalitet og bruksmønster i eit område som har høg verdi for allmennheita.

Villrein

Dei samla verknadane av alle utbyggingstiltak og aktivitet i området må vurderast med omsyn til villrein og høgfjellsøkosystemet. Her kan ein ikkje berre gjere vurderingar ut frå dagens tilstand (0-alternativet), i og med at tilstanden allereie er særskild dårleg. Det må setjast inn omfattande tiltak for å bøte på dei samla negative miljøeffektane frå kraftutbygginga i heile influensområdet. Dette gjeld også tidlegare og planlagde kraftliner gjennom fjellområda.

Energi og grøn omstilling

Dagens Aura kraftverk er ikkje eigna for store og raske endringar i kraftproduksjon og har ikkje kapasitet tilpassa etterspurt produksjonsmønster. Aura II kraftverk vil utnytte vassressursen meir effektivt og bidra til å dekkje det aukande behovet for fleksibilitet, med systemtenester og effekt i periodar med høg etterspurnad. Aura II kraftverk vil produsere vesentleg meir kraft i dei periodane på året kraftetterspurnaden er stor og vil vere eigna for både langtids- og korttidsregulering, som vil bidra til å avhjelpe drifta av kraftsystemet. Sunndalsøra er eit sentralt knutepunkt for nettet i Møre og Romsdal, sentralt for effektbalansen i spotmarknaden i regionen Midt-Noreg og sentralt for å halde spenning og frekvens i nettet.

Tiltaket vil bli gjennomført i ein arbeidsperiode på om lag 4 år (2029–2032).

Utbyggingskostnaden er berekna til 6 mrd. kr, fordelt på bygg og anlegg (3,3 mrd. kr), maskin og generatorar (1,6 mrd. kr), annan elektro (0,5 mrd. kr) og administrasjon/anna (0,6 mrd. kr). Til samanlikning vil nullalternativet koste 4 mrd. kr fram til 2050. Det er venta at det i anleggsperioden blir skapt betydelege positive ringverknader for lokalt og regionalt næringsliv, i form av kjøp av varer og tenester. Erfaringsdata frå liknande utbyggingar viser at i storleiksorden 25–50 % av investeringskostnaden kan gå til lokale og regionale oppdrag, og at det skapar 0,25–0,5 årsverk per million investering. I følgje Statkraft kan utbygginga av Aura II kraftverk lokalt og regionalt skape verdier i storleiksorden 1000–2000 årsverk i anleggsperioden.

Konklusjon

Oppgraderinga av Aura kraftverk vil gje positiv økonomisk samfunnsnytte og lokale ringverknader, men det er viktig med gode avbøtande tiltak og nye utgreiingar for å sikre interessene knytt til vassforvaltning, kulturminne, friluftsliv og villrein.

Toril Hovdenak
fylkeskommunedirektør

Vedlegg

NVE høyringsbrev Aura kraftverk